

## 2003 жылғы көктемгі егіс және егін жинау жұмыстарын жүргізуді ұйымдастыруға жергілікті атқарушы органдарға кредит берудің кейбір мәселелері туралы

Қазақстан Республикасы Үкіметінің қаулысы. 2003 жылғы 21 қаңтар N 70

"2003 жылға арналған республикалық бюджет туралы" Қазақстан Республикасының 2002 жылғы 12 желтоқсандағы Заңын орындау үшін Қазақстан Республикасының Үкіметі қаулы етеді:

1. Қоса беріліп отырған 2003 жылғы көктемгі егіс және егін жинау жұмыстарын жүргізуді ұйымдастыруға жергілікті атқарушы органдарға кредит беру ережесі бекітілсін.

2. Ақмола, Ақтөбе, Алматы, Шығыс Қазақстан, Жамбыл, Батыс Қазақстан, Қарағанды, Қызылорда, Қостанай, Павлодар, Солтүстік Қазақстан, Оңтүстік Қазақстан облыстарының әкімдері (бұдан әрі - облыс әкімдері):

1) Қазақстан Республикасының Қаржы министрлігіне, Қазақстан Республикасының Ауыл шаруашылығы министрлігіне 2003 жылға арналған облыстық бюджеттерде осы қаулының 3-тармағына сәйкес алынған кредиттер бойынша түсімді және өтеуді көздейтін тиісті мәслихаттардың шешімдерін, сондай-ақ жанар-жағармай материалдарын, тұқымдар, тыңайтқыштар, гербицидтер, тұқымды улағыштар, ауыл шаруашылығы машиналары үшін қосалқы бөлшектер сатып алуға және ауыл шаруашылығы техникасын жалдауға немесе сатып алуға ауыл шаруашылығы тауарын өндірушілерге кредит беру жөніндегі бюджеттік бағдарламаларды тапсырсын;

2) жанар-жағармай материалдарын, тұқымдар, тыңайтқыштар, гербицидтер, ауыл шаруашылығы машиналары үшін қосалқы бөлшектер сатып алуға және ауыл шаруашылығы техникасын жалдауға немесе сатып алуға ауыл шаруашылығы тауарын өндірушілерге кредит беру тетігін көздейтін ішкі ережені әзірлесін және бекітсін.

3. Осы қаулының 2-тармағын орындаған жағдайда Қазақстан Республикасының Қаржы министрлігі облыс әкімдеріне көктемгі егіс және егін жинау жұмыстарын жүргізуді ұйымдастыруға бұл мақсаттарға 2003 жылға арналған республикалық бюджетте Қазақстан Республикасының Ауыл шаруашылығы министрлігіне көзделген қаражаттан осы қаулымен бекітілген Ережеде белгіленген шарттармен 4500000000 (төрт миллиард бес жүз миллион) теңге сомасында кредиттер бөлсін, оның ішінде мынадай облыстардың әкімдеріне:

Ақмола облысының	-	900000000	теңге;
Ақтөбе облысының	-	180000000	теңге;
Алматы облысының	-	280000000	теңге;
Шығыс Қазақстан облысының	-	240000000	теңге;

Жамбыл облысының -	110000000	теңге;
Батыс Қазақстан облысының -	190000000	теңге;
Қарағанды облысының -	230000000	теңге;
Қостанай облысының -	950000000	теңге;
Қызылорда облысының -	100000000	теңге;
Павлодар облысының -	250000000	теңге;
Солтүстік Қазақстан облысының -	950000000	теңге;

Оңтүстік Қазақстан облысының - 120000000 теңге.

4. Қазақстан Республикасының Қаржы министрлігі, Қазақстан Республикасының Ауыл шаруашылығы министрлігі Қазақстан Республикасының заңнамасына сәйкес бөлінген қаражаттың мақсатты пайдаланылуын бақылауды қамтамасыз етсін.

5. Осы қаулының орындалуын бақылау Қазақстан Республикасы Премьер-Министрінің орынбасары - Ауыл шаруашылығы министрі А.С. Есімовке жүктелсін.

6. Осы қаулы қол қойылған күнінен бастап күшіне енеді.

### Қ а з а қ с т а н      Р е с п у б л и к а с ы н ы ң

#### Премьер-Министрі

Қ а з а қ с т а н

Р е с п у б л и к а с ы

Ү к і м е т і н і ң

2 0 0 3

ж ы л ғ ы

2 1

қ а н т а р д а ғ ы

№            7 0

қ а у л ы с ы м е н

бекітілген

#### **2003 жылға көктемгі егіс және егін жинау жұмыстарын жүргізуді ұйымдастыруға жергілікті атқарушы органдарға кредит беру ережесі**

1. Осы Ереже "2003 жылға арналған республикалық бюджет туралы" Қазақстан Республикасының 2002 жылғы 12 желтоқсандағы Заңымен көзделген 212 "Қазақстан Республикасының Ауыл шаруашылығы министрлігі" әкімшісінің 84 "Көктемгі егіс және егін жинау жұмыстарын жүргізуді ұйымдастыруға жергілікті бюджеттерге кредит беруі бюджеттік бағдарламасы бойынша 4500000000 (төрт миллиард бес жүз миллион) теңге сомасында кредиттер (бұдан әрі - Кредиттер) беру тәртібін анықтайды.

2. Кредиттер 4500000000 (төрт миллиард бес жүз миллион) теңге сомасында сыйақының нөлдік ставкасы бойынша 2003 жылғы 1 желтоқсанға дейінгі мерзімге қайтарымдылық, мерзімділік шарттарымен облыстық бюджеттерге бөлінеді:

Қазақстан Республикасы Ауыл шаруашылығы министрлігінің тәжірибе кәсіпорындарына (тәжірибе шаруашылықтары, тәжірибе станциялары) Халықаралық Қайта Жаңарту және Даму Банкі мен Азия Даму Банкі қарыздарының қаражаты есебінен суландыру және дренаж жүйелерін қалпына келтіруді жүргізетін шаруашылықтарға, өзге де ауыл шаруашылығы тауарын өндірушілерге (бұдан әрі - Ауыл тауарөндірушілер) кейіннен кредит беру үшін;

жанар-жағармай материалдарын, тұқымдар, тыңайтқыштар, гербицидтер, тұқымды улағыштар, ауыл шаруашылығы машиналары үшін қосалқы бөлшектер сатып алуға ;

ауыл шаруашылығы техникасын жалдауға немесе сатып алуға.

3. Тиісті облыстардың әкімдері бөлінген Кредиттердің мақсатты пайдаланылуы мен олардың республикалық бюджетке уақтылы қайтарылуын қамтамасыз етеді.

4. Қазақстан Республикасының Ауыл шаруашылығы министрлігі мен Қазақстан Республикасының Қаржы министрлігі облыс әкімдерімен тиісті Кредиттік келісімдер (бұдан әрі - Кредиттік келісімдер) жасасады.

5. 84 "Көктемгі егіс және егін жинау жұмыстарын жүргізуді ұйымдастыруға жергілікті бюджеттерге кредит беру" бюджеттік бағдарламасының қаражаты есебінен облыстық бюджеттерге кредиттер бөлуді Қазақстан Республикасының Қаржы министрлігі жоспарланған тағайындауларды көрсетілген бағдарламадан бюджет кірістері жіктемесінің 601601 "Республикалық бюджеттен берілетін кредиттер" кодына тиісті облыстардың облыстық бюджеттеріне көрсетілген қаражатты есептей отырып, Қазақстан Республикасының Қаржы министрлігі әкімшісі болып белгіленетін жергілікті бюджеттерге кредит берудің тиісті бюджеттік бағдарламаларына аудару жолымен жүзеге асырады.

6. Кредиттік келісімдер бойынша міндеттемелердің орындалуын қамтамасыз етудің тәсілі ретінде облыс әкімдері Қазақстан Республикасының Қаржы министрлігі мен Қазақстан Республикасының Ауыл шаруашылығы министрлігіне 2003 жылдың ішінде секвестрленбейтін тиісті жергілікті бағдарламаларды айқындай отырып, 2003 жылға арналған облыстық бюджеттерде Кредиттер бойынша түсім мен өтеуді көздейтін тиісті мәслихаттардың шешімдерін, сондай-ақ жанар-жағармай материалдарын, тұқымдар, тыңайтқыштар, гербицидтер, тұқымды улағыштар, ауыл шаруашылығы машиналары үшін қосалқы бөлшектер сатып алуға, ауыл шаруашылығы техникасын жалдауға немесе сатып алуға Ауылшартауарөндірушілерге кредит беру жөніндегі бюджеттік бағдарламаларды тапсырады.

7. Кредиттер белгіленген мерзімдерде қайтарылмаған жағдайда, Қазақстан Республикасының Қаржы министрлігі айқындаған тәртіппен өтелмеген борыш сомасын есептен шығаруды жүзеге асыру үшін Қазақстан Республикасының Қаржы министрлігі тиісті облыстық бюджеттің ағымдағы шоттары бойынша барлық шығыс операцияларын тоқтата тұрады.

8. Кредиттердің мақсатты пайдаланылуын бақылауды Қазақстан Республикасының Қаржы министрлігі мен Қазақстан Республикасының Ауыл шаруашылығы министрлігі жүзеге асырады.

9. Кредиттердің республикалық бюджетке уақтылы қайтарылуын бақылауды Қазақстан Республикасының Ауыл шаруашылығы министрлігі мен Қазақстан Республикасының Қаржы министрлігі жүзеге асырады.

10. Облыс әкімдерінің Кредиттерді мақсатсыз пайдаланғаны анықталған жағдайда, оларға заңнамада белгіленген тәртіппен жаза қолданылады.

11. Кредиттерді республикалық бюджетке қайтаруды облыс әкімдері белгіленген мерзімде жүргізеді.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК